



## **Sak 101/23 Handlings- og økonomiplan 2024 – 2027 – Uttaler og handsaming i råda og formannskapet**

Følgjande uttale til handlings- og økonomiplan for 2024-2027 er vedteke i råda i møter 27. - 29. nov. 2023. Nedst kjem formannskapet sitt vedtak i saka.

### **Uttale Eldrerådet:**

Eldrerådet viser til vedteken intensjonsavtale og fraråder å innføre eigedomsskatt på hus og hytter.

Eldrerådet mener det er viktig at budsjett- og økonomiplanen avspeilar den demografiske situasjonen i kommunen

### **Uttale RMNF:**

- RMNF er uroa over den økonomiske stoda for Alver kommune og planane om nedskjeringar i habiliteringstenester / psykisk helse og rus, i tillegg til uspesifiserte innsparingar i helse/omsorg og skule. Me er redd dette vil ha negativ verknad på livskvaliteten til menneske med nedsett funksjonsevne. Kortsiktige innsparingar kan òg gje auka kostnader fram i tid. Me ber om at RMNF og brukarorganisasjonar vert involvert ved vesentlege endringar i tenestetilbodet til menneske med nedsett funksjonsevne.
- RMNF undrar seg over at støtta til kommunalt følgje på ferie- og fritidsreiser er teken ut av økonomiplanen frå 2027.
- RMNF ber om at Alver kommune planlegg auka kapasitet på kommunale VTA-plassar og andre tilrettelagte arbeids- og aktivitetstilbod.

### **Uttale ungdomsrådet:**

Alver ungdomsråd vil nytte anledninga til å peike på same utfordring som tidlegare år:

Vi vil at kommunen involverer ungdomsrådet så tidlig i arbeidet med økonomiplanen at vi verkeleg har anledning til å påverke både innhald og utfall.

Dette er første gong i år at ei sak om økonomiplanen kjem til ungdomsrådet, vi skulle ønske vi ble involvert tidlegare.

Leiar i ungdomsrådet vil gi ei meir utfyllande kommentar direkte til kommunestyret.

### **Uttale Administrasjonsutvalet:**

Saka vert teke til orientering. Uttaler frå dei tillitsvalde vert lagt ved saka.

### **Innstilling frå formannskapet:**

Saka vert tatt til orientering.